

# Աջակցություն տարածաշրջանային ծրագրերին

«Հայաստան-Թուրքիա երկխոսություն և համագործակցություն» (2006-2009) ծրագրի շրջանակում

2007թ. սեպտեմբերին ԵՀՀ-ն իր աջակցությունն է ցուցաբերել յոթ հասարակական կազմակերպություններին և լրատվական ընկերություններին՝ համագործակցություն հաստատելու թուրքական կողմի համապատասխան ներկայացուցիչների հետ և իրականացնելու տարածաշրջանային ծրագրեր: Համագործակցության այդ ծրագրերն ընդգրկում են ինչպես մշակութային և երիտասարդական փոխանակման ծրագրեր, այնպես էլ լրատվական տարածաշրջանային ծրագրեր:

## **Հայ-թուրքական երիտասարդական ակումբ**

Հայկական կողմի մասնակից՝ «Երիտասարդական ակադեմիա» հ/կ  
Թուրքական կողմի մասնակից՝ «Քութայա երիտասարդական ընկերակցություն և երիտասարդ Գուրու ակադեմիա»

Հայ և թուրք երիտասարդների միջև երկխոսություն և համագործակցություն հաստատելու նպատակով ստեղծվելու է հայ-թուրքական վիրտուալ երիտասարդական ակումբ: Կստեղծվեն համատեղ ղեկավարվող վեբ-ռեսուրսներ, այդ թվում՝ էլեկտոնային առցանց (online) ֆորումներ և տարածաշրջանում տեղի ունեցող իրադարձությունների վերաբերյալ տեղեկություններ, ինչպես նաև եռամսյակը մեկ լույս ընծայվող էլեկտրոնային թերթ՝ «Ակումբային գոտի» վերատառությամբ: Կկազմակերպվեն համատեղ կլոր-սեղան քննարկումներ: Կստեղծվի նաև երկկողմանի թիմ՝ բաղկացած ծրագրավորողներից և համակարգչային չիպերի դիզայնով զբաղվող մասնագետներից:

## **Երաժշտական կամուրջ**

Հայկական կողմի մասնակից՝ «Կոմիտասի պետական քառյակ» հ/կ  
Թուրքական կողմի մասնակից՝ «Օրիոն Փրըդաքչն», «ԹիԴիԱյ Մենեջմենթ և թուրք-հայկական բիզնեսի զարգացման խորհուրդ» (TABDC)

Հայաստանի և Թուրքիայի միջև երկխոսություն և համագործակցություն հաստատելու նպատակով Եվրասիա համագործակցություն հինադրամն աջակցելու է «Կոմիտասի պետական քառյակի» և «Բոսֆորի քառյակի» մասնակցությամբ համերգների կազմակերպմանը Թուրքիայում և Հայաստանում: Կկազմակերպվեն նաև փոխայցեր հայ և թուրք արվեստագետների միջև:

## **Լուսանկարչական կամուրջ**

Հայկական կողմի մասնակից՝ «Պատկեր ՄՊԸ»  
Թուրքական կողմի մասնակից՝ «Նար» լուսանկարչական գործակալություն

Եվրասիա համագործակցություն հիմնադրամն աջակցում է հայ և թուրք արհեստավարժ լուսանկարիչներին և սահմանամերձ համայնքների բնակիչներին՝ հանդուրժողականություն և համագործակցություն հաստատելու նպատակով: Դրամաշնորհառուն և իր թուրք գործընկերը կկազմակերպեն հայ և թուրք լուսանկարիչների փոխայցեր Հայաստան և Թուրքիա, կտպագրեն և կտարածեն տպագիր և էլեկտրոնային լուսանկարչական նյութեր:

### **Հայաստան Թուրքիա երկխոսություն՝ եվրոպական ինտեգրացիայի ներքո**

Հայկական կողմի մասնակից՝ «Ուրբան կայուն զարգացման հիմնադրամ»  
Թուրքական կողմի մասնակից՝ Ստամբուլի Սաբանսի համալսարանի քաղաքական կենտրոն

Հիմնադրամն աջակցում է երկու երկրների երիտասարդ ակտիվիստների և փորձառու մասնագետների միջև կարճաժամկետ ինտելեկտուալ դաշտի ստեղծմանը: Ծրագրի գործընկերները կանցկացնեն հասարակական կարծիքի ուսումնասիրություն Հայաստանում և Թուրքիայում՝ պարզելու եվրոփնտեգրման գործընթացներում հասարակության ավելի լայն շերտերի կարծիքը և հայ-թուրքական երկխոսության ու համագործակցության բարելավման հնարավորությունները: Այս ամենին կհետևեն կլոր-սեղան քննարկումներն ու թոք-շոուները, որոնց կմասնակցեն Հայաստանից և Թուրքիայից հրավիրված քաղաքագետներ:

### **Իմ սիրելի եղբայր**

Հայկական կողմի մասնակից՝ «Ազգ» օրաթերթ  
Թուրքական կողմի մասնակից՝ Պն. (պրն.) Օսման Կոկեր, թուրք գիտնական, հրատարակիչ

«Ազգ»-ը հայերեն կթարգմանի, կտպագրի և Հայաստանի ողջ տարածքով կտարածի մեկդարյա հնություն ունեցող Օսմանյան կայսրության նամականիշները, որոնք պատկերում են հայ ժողովրդի կյանքի դրվագներ Օսմանյան կայսրության ժամանակ: Կկազմակերպվեն մի շարք միջոցառումներ՝ ալբոմը և ծրագիրը ներկայացնելու նպատակով:

### **Հայ-թուրքական թիմային զեկուցում**

Հայկական կողմի մասնակից՝ «Երևանի մամուլի ակումբ»  
Թուրքական կողմի մասնակից՝ «Արի» շարժում

Ծրագրի նպատակն է աջակցել ԶԼՄ-ների կողմից հայ-թուրքական հարաբերություններին առնչվող մի շարք հարցերի ավելի անաչառ լուսաբանմանը: Ստամբուլում ծրագրի գործընկերները երկու երկրների լրագրողների համար կանցկացնեն նախապատրաստական դասընթացներ՝ նվիրված անկողմնակալ և հետաքննչական զեկույցներ պատրաստելուն: Վերլուծական նյութերը և հետաքննչական զեկույցները կքննարկվեն Երևանում կայանալիք երկօրյա համաժողովի ընթացքում:

### **Հայաստանի և Թուրքիայի միջև կապերի հաստատում**

Հայկական կողմի մասնակից՝ Գլոբալիզացիայի և մարզային համագործակցության վերլուծական կենտրոն  
Թուրքական կողմի մասնակից՝ պրն. Սուաթ Կինիկլիօղլու, Միացյալ Նահանգների Մարշալ հիմնադրամի Անկարայի գրասենյակի տնօրեն և տկն. Դիբա Նիգար Գոկսել՝ թուրքական ամսագրի խմբագիր

Եվրասիա համագործակցություն հիմնադրամն աջակցում է երկու երկրների հասարակությունների միջև եվրոինտեգրման և գլոբալ մարտահրավերների ու վտանգների մասին երկխոսության հաստատմանը: Դրամաշնորհառուն և իր գործընկերները վերոնշյալ թեմաներով հարցումներ կանցկացնեն երկու երկրների քաղաքական և քաղաքացիական հասարակության ներկայացուցիչների միջև:

Հետազոտության արդյունքները կքննարկվեն Երևանում կայանալիք իրար հաջորդող երկու համաժողովների ժամանակ: Մի շարք հոդվածներ, որոնք կլուսաբանեն հետազոտության և համաժողովների արդյունքները, կտպագրվեն հայկական և թուրքական թերթերում: